

王景岐博士著

國際麻醉毒品貿易

北京海外拒毒後援會刊行

國際麻醉毒品貿易序

鴉片之毒害我國民於今歷百有餘載全國上下鑒於國弱民貧胥此物爲階之厲無不痛心疾首亟謀肅清之道幾經措折前仆後繼志不稍衰至今毒害猖狂曾未稍息推原其故良因此毒癮入人之深非徒恃法律所可奏效再則因來源之未易制止以致難於取緝吾人之關心烟禁之歷史者當無不知鴉片之流入我國背後實有國際侵略之陰謀故鴉片戰爭失敗不平等條約便接踵而至數十年來幾經有心之士奔走呼號召集國際禁烟大會共謀取緝補救之道結果仍不能達其目的良以歷次會議均爲一般鴉片出產國所操縱朦混輿論頗倒是非以達延長其非法貿易損人利己之目的言念及此痛心曷極近年以來煙禍之烈有變本加厲之概而毒害千百倍於鴉片之嗎啡海羅因古根等麻醉毒品更隨帝國主義之勢力而流銷滿地有不平等條約爲護符有領事裁判權爲後盾於是其野心侵略之政府與縱毒自肥之奸商乃狼狽相濟怙惡不悛以實行其滅絕人道之勾當觀於國際禁烟大會歷次會議之怪相當益知所言之不謬閩候王景岐博士久使歐陸屢次代表我國出席國際聯盟禁烟顧問委員會鑑於鴉片出產國與毒物製造國操縱國聯阻礙煙禁之黑幕更痛心於我國受毒之深重遠東殖民地華僑受鴉片專賣之蹂躪於是本其愛國之熱誠拒毒之義憤對於列強縱毒之陰謀煙商活動之黑幕我國受害之真相同胞遭毒之痛苦發爲大聲據理抗議具大無畏之精神倡革命化之外交詞嚴義正氣壯理直列強代表相顧失色歐美輿論爲之錯愕雖國聯會議仍未免操縱於一般野心國

之手致目的未盡達到然博士之言清越動人實已轉移普世人士之觀聽良以博士之言正義人道之聲也我全國國民所久蘊於心而無從發洩者今借博士之口而蒼炎全球詎不痛快哉茲編所錄咸爲博士當時發表之偉論散見歐美各報及國聯記錄茲彙編成帙使吾人人手一編得快先觀予旣痛心於帝國主義鴉片政策之爲禍更佩博士拒毒衛國之精神爰樂爲之序

中華民國十八年八月二十九日卽南京和約八十七週年紀念日閩南黃嘉惠謹識

國際麻醉毒品貿易

荷蘭製造廠之破獲

(節譯倫敦泰晤士報)

今日乃國際聯盟禁烟顧問委員會審查各國政府最近破獲毒物報告最後之一日所查案件有值得世人注意者即荷政府破獲麻醉藥品製造廠之報告據稱該廠曾向瑞士輸入大宗之嗎啡海洛因及高根復將該毒品輸往遠東各地在維也納註有該廠經理專司轉運云該廠業已迫令停止經營麻醉藥品駐維也納之經理亦經捕獲驅逐出境該廠之毒物數批亦已先後在各處破獲

據英代表戴樂維爵士報告該廠之非法貿易大約如下嗎啡九五五公斤(約三五,〇〇〇英兩)海洛因三,〇四〇公斤(約一一三,〇〇〇英兩)高根九〇公斤(約三,三五〇英兩)內嗎啡七六〇公斤海洛因二,三一六公斤及高根四十公斤係運往中國英代表並指瑞士某商號曾將嗎啡三一七公斤海洛因一,六〇九公斤(六〇,〇〇〇英兩)送往荷廠專資轉運

意代表卡瓦遜尼謂三千公斤之海洛因足造成數千萬之烟民日代表計算中國全國醫藥用途只需嗎啡七〇〇公斤海洛因一〇〇公斤若以之與非法輸往中國各種麻醉毒物之數量相比則中代表所要求麻醉藥品鴉片兩問題須同時加以考究誠有充分之理由也

瑞代表加利爾稱瑞政府素以荷廠為正當營業此次瑞政府雖有失察之處然對於荷廠之非法貿易

不能單獨負責嗣後荷瑞兩國代表復作同樣聲明謂兩國既已採納進口許可證辦法此後當不至再有大規模之非法貿易情事云

討論完畢後委員長聲稱荷廠係世界最大之非法貿易機關之一現已破獲誠屬幸事荷政府此次破獲不啻對非法貿易者施一重大打擊勢非一時所能恢復也

昨日會中英代表並提及意政府報告云關於下流社會中販賣高根之方法及其與販賣婦女兒童之關係均有所發現據述意警曾破獲一案發覺有人故意將高根粉散濺在十三歲女子之衣服及臉上蓋欲使其嗅之成癮而終身淪爲娼妓不能自脫也

按麻醉毒品私運者之機巧似無涯際尤以偷運越境難於破獲意國泥波爾城曾破獲一跛者以高根存於拐杖中意國報告復謂製藥廠中間亦有經營毒品者某廠曾以每公斤意幣六百利兒（約六磅十先令）之價購買高根用以輸出每公斤可得二千二百利兒（約二四五磅）之厚價云

中國與毒品問題

十八年一月廿五日

（國際聯合會禁烟顧問委員會第十二屆會議第十五次大會中國委員王景岐之宣言）

連日討論私運毒品問題目擊慘淡之狀所有歐洲日本毒品有如洪水橫流汎濫中國本委員不得不一改沈默態度表示意見矣在本會第十一屆及第十二屆會議之間世界上發一重大事件足使禁煙問題根本更變應先向大會一言中國革命成功軍事時期已過在革命統一旗幟下之國民政府於內

戰停止之次日即刻宣告與鴉片烟作戰鴉片問題之於中國包含政治社會性質故對大會研究此問題之時不能不用客觀看法牽涉及中外關係上之一種奇怪制度開誠直陳亞細亞洲數萬萬民族心理已經恍然大悟而知其對於世界何者爲其應享權利何者爲其應盡義務故一般民衆思想看法實有代向大會聲述之必要本委員數日來無多發言者蓋我國民政府嚴厲禁烟大得輿論協力贊助九月十七日頒布禁烟法令爲時未久初意擬視本法實施成績如何然後再向大會詳報惟就目前感想所及似又不得不表示意見如下

世人不明鴉片來歷以爲產於中國實則剖取罂粟之汁以製鴉片之法原非中國所知字書中不見鴉片名詞晚近始譯自希臘語不幸傳聞一誤舉世相因好事者又從而推波助瀾強以加於中國訛傳更廣衆口鑠金眞僞宜辯考西歷紀元前數百年希臘人已用鴉片烟製藥中國在八世紀時亦視爲醫藥之劑同時亞拉伯人已有吸鴉片者富有道德識見之回教先哲嚴禁教徒飲酒而未念及戒此烟毒因而貽害無窮可見智者千慮必有一失十五世紀亞拉伯人始將吸烟法傳入中國數百年來華人用盡力量抵抗鴉片自前清雍正迄于國民政府不知曾佈若干禁烟法令其中尤以清末民初十年間禁止鴉片成績卓著

中國法律向不許開設烟館所產鴉片亦未嘗許爲對外之合法貿易中國不產高根葉又不製嗎啡安洛因及其他毒品中國與世界共同禁烟問題發生正式關係肇端於一九一二年海牙國際禁烟公約及至一九二四及一九二五年日內瓦國際聯合會禁烟會議時中國力贊美國提案所惜當時與會在

遠東擁有殖民地之國家不願採行按年遞減之禁烟方法以致禁烟一事無澈底解決中國不得不宣告退席往事不說且請注意來者

連日大會審議各案本委員極感興趣並覺有數國對於辦理禁烟在某某區域內頗有進步例如日本代表齊藤報告台灣禁烟成績自堪欽佩本委員所不能解者中日關係上最悲慘歷史之一頁關係我國戰敗偉人李鴻章者以及當年割讓台灣議事情形日本代表何以必須述及割讓台灣時李與伊藤談話等等於日本固爲有趣故事但當時故事有真有僞而何真何僞極難證明因此本委員亦不欲肯定日本代表所言之爲是爲非然不能不略有申述私衷所觸並非陳訴仇怨惟覺無限悲傷而已蓋中國人飽受孔子教薰陶不知何爲報怨日本代表當知台灣爲中國領土我全國國民視爲尙未光復之河山受武力宰割分離母邦未沾民族自決主義之餘蔭又爲亞洲第一個民主國家之發現地點蓋台灣共和國無力抵抗一轉瞬間卽沉溺于鮮血之中所惜我台灣同胞雖有鄭成功忠心報國之精神而在強權壓迫之下支撑力量竟不能如鄭成功之持久耳至于禁烟本題上日本代表所言不解在遠東地理上民族上與台灣相同之土地內何以不援用其東鄰日本在台灣禁烟之方法一言則本委員深表同意

開會第一日法國代表卽言「中國無毒品進口憑照故法人運毒入中國法政府極難禁止」云云厚意可感憑照制載入日內瓦公約中國政府數年前卽已採用而不能實行本非中國政府之咎年來每屆會議中無不涉及此項問題在我實有申述之必要中國受世界上不公道不平等之條約束縛卽關

于舉辦此種防毒憑照亦須徵得享受不平等條約特權各國駐華公使之同意以本委員所知中國政府曾向之徵詢數次均無答復以致中國處于死活不得之奇怪境遇中尙未解脫歐洲方面責備中國謂因無憑照制度故各國極難禁止毒品之輸入而孰知中國方面即由此等國家之駐華公使根據不合時宜之苛約不肯承認至使我國于國際聯盟中所應盡之防毒義務既不能做到且至不能自衛地步斯僅舉一例子實則奇怪事件尙不止此各國警政優良組織完密緝私禁售善法多端然猶日呼困難何況我國之束手縛足而且利用毒品殺人者又有領事裁判權租界租借地鐵路界等制度之保護甚或隨時藉口派兵入我領土有如中國輿論視爲有違國際聯盟盟約之文字及精神之最近山東日本進兵者凡我四萬萬中國人民無不痛心疾首覺其未得公道之待遇

殘害中國之不平等條約亦由鴉片戰爭之結果吾人固承認英國乃世界自由主義發祥之地然中國受毒亦由鴉片戰爭而來今日如再有友邦與中國同爲國際聯盟會員而不設法解除中國之痛苦則尤爲不可解矣近年中國對於禁烟以內亂關係純取守勢今則中國政府中國國民決心協力對鴉片完全進攻期絕根株不留餘毒而于其他毒品亦盡量限制以足供醫藥科學上之需要爲止明知此事極難敢云一舉卽得惟我政府國民抱定堅決力行宗旨不問收穫只知耕耘在此種情形之下只惜國中尚有租界之類豎立文明國旗保護不法貿易爲進攻毒物之最大抵抗力致使租界變成毒品寄生繁殖之中心點爲此不得不請各國諒解及早取消此等不平等制度

中國智識界看法以爲禁煙問題在未取消領事裁判權之前難得美滿結果本委員意見亦復相同故

不能不代我國民發此回響去年九月二十六日巴黎星期報著論謂上海某租界內所有搜護煙土悉行售于鄰近之殖民地政府烟商盤據體面地位享受禮貌待遇並謂租界內公然售烟千真萬實鴉片館主每枝烟鎗收華幣四角同時並開賭場每月有一千二百萬法國佛郎之淨入本委員離國甚遠不知是否盡符事實然不穴無風惟望有關係國之官廳卽僅為顧全彼國名譽計亦應注意取締之使消聲滅跡

本委員曾言在某某區域內禁烟頗有進步然就全體報告言實不能使人滿意世界出產烟額數統計極不完全試觀一九二七年統計產烟最多之國悉無報告表格均留空白我國亦在其中同深慚愧銷售熟烟統計比較完全其中固有銷額稍減之區然荷屬南洋羣島一九二六年吸銷五五，一八五啓羅一九二七年增為五九，一〇三啓羅香港從七，三七九啓羅增至一一，〇六八啓羅澳門從五，七三六啓羅增至一〇，一二九啓羅通計銷烟數目一年之中增加一倍再就各地財政預算上全部與烟稅收入數目比較觀之唐加憲 Trengganu 烟稅佔全收八百分之二一·四〇北波羅洲佔百分之二一·二〇法屬安南雖未列表然聞約佔三分之一英屬海峽殖民地佔百分之二十四本委員因此憶及一九二五年一月二十日美國代表波提爾之言曰「世界上不能有任何國家任何民族任何個人不問其是否同種是否同教是否同一社會階級如何敢以摧殘人類幸福之買賣為本已富強基礎蓋世界上公理道德只有一種並無二種不能謂對西方為一道德對東方另為一道德待遇不平卽不能保持世界太平故在西方之所禁者東方亦當禁之西方所重罰者在東方亦應科以重罰」

美哉斯言感佩無已或有曰若取消鴉片稅則難覓替代之財源然此係各殖民地內部問題吾人不能越俎代謀要之從天理上人道上立論數千萬東亞民族在歐洲各國政府保護之下亦應享受新文明之幸福如謂地方財政必取之鴉片稅及酒稅以爲合于天理人道而必堅持政府專賣之利則真吾人所大惑不解者矣

本委員因鴉片而論及酒者以遠東受酒之害亦積漸激烈據英屬海峽殖民地報告一九二七年緝獲非法運酒數達三萬五千法郎再查獲私家進酒機器一百二十五具披覽毒品製造統計更覺危險毒品中最毒之安洛因醫學家言有害無益即在醫藥上亦係無用之品服之能使人變爲禽獸毒烈至於此極製造仍是月進年增惟美國不製此物拒毒態度非常鮮明奈何他國之大量製造者不顧及此頃所言者僅係根據正式報告正式貿易耳若計私漏更可慘痛普通估計世界上私賣毒品之額較醫藥及科學上需要超出四十倍去歲九月七日洛桑報曾載論說略謂『數月來國際聯盟禁煙政策固係按照一九二五年日內瓦公約進行並常據約文知照各國政府寄送完全統計報告然查由一九二一年到一九二六年間世界製造嗎啡之量增加百分之三十或五十再分查各國統計簽定禁煙公約後製造毒品亦愈見增多法國所造嗎啡一九二一年爲二七〇啓羅一九二四年爲三二二啓羅一九二六年遂達二千啓羅』云云一九二五年日內瓦公約第五條及一九二二年海牙公約第九條本意原同爲規定各國政府應訂實施有效法令對於毒品之製造運輸販賣分配出口及用途各節極端限制以足供醫藥上及科學上之需要爲度而孰知大謬不然竟如該報所謂『公約甫簽增毒反驟』象如斯嗚呼

呈何辭自辯簽約各國盟誓已就墨跡未乾亦曾思其所履行公約上之義務爲何如乎產額充溢定求銷暢則華僑萃聚之遠東開門納毒之中國及可乘源漏入之北美卽爲其新市場自不待論然則挽救之法爲何及今所知似惟有嚴格採行各國限量分製之制度本會內意國代表 Cavazzoni 美國顧問 Woods 及法國顧問 Brenier 均力主此說果行此制則所有製毒工廠或收爲國有或由政府充分監督按照各地必需分量而製造之凡購買原料監製販賣分配貯藏概歸政府管理法國顧問在第九屆會議未到前曾函告會長該函係在該屆第二次大會中宣讀略謂『本席對於毒品監督意見始終一致主張各國宜採用限量分製之良法亦或惟此可以解除私人造運毒品之禍患地方官廳海關及水道警察等雖可緝私營之流水一入溝管中勢必汎溢要在未入溝管之先善閉放水機關扼其要害則蓄水池自可隨意大小故首閉放水機關方爲得計』善哉斯言限量分製之制度以各國人口及醫藥科學上應用之多寡爲基礎國際聯盟衛生局長業已估定其數實行此制當不至甚感困難即使有經濟損失之慮亦不應兼顧蓋人類生命關係更重於經濟問題也此外如尚有其他良法我國亦願攷慮採用總之國際間未有更善方法以前各國似不應彼此觀望立即施行必要方法使毒品之製造販賣用途限於醫藥及科學上唯一之需求

推原鴉片流毒初不過爲害遠東迨自發明由鴉片原質可製嗎啡及其他化合毒質之後毒品滋蔓遂成世界問題拒毒工作艱難萬狀然事在人爲苟能一鼓作氣羣策羣力斷不至於無成本委員故云本會中人必無意存觀望者試觀抵制瘟疫入境者斯時恐後爭先人自爲職何嘗有絲毫彼此推諉相視

不前之念哉

本委員於未下結論之先不得不不再述一特別有關我國之間題希望各國代表予以注意說者謂利用華人作工不能不許其吸鴉片華工視吸鴉片與吃飯並重故不准華僑吸鴉片是爲有傷人道滑稽之說巧言亂真忍心害理查歐戰時在各方作事之華工衆至十餘萬成績優良當時既禁鴉片亦無覓吸機會故工作特別可觀足爲明證猶有進者前此日內瓦國際禁烟會議時日本代表曾言台灣地方因吸鴉片之人數減少烟稅按年遞減然作工效率則年高一年由此觀之卽純從經濟上着眼犧牲烟稅以易工業之發達有何不值又今日爲政治性質之宣傳者頗不乏人其言曰『歐人之對待殖民地異種人民極爲奇特旣以最廉之價雇其作工用以致富惟此種人民亦應有享受天賦保全其活命及健康之權歐人不應旣吸其血又滅其種』故爲保持東西永久和平及完滿情感計歐洲在遠東有殖民地各國應速行禁止鴉片及毒品之方法

中國禁烟政策世界皆知其目的在鴉片完全禁止對於製造毒品以足供醫藥及科學之用爲度態度誠懇進行努力謂余不信請以往事明之一九〇六年到一九一七年間中國禁烟成績優良駐華英使朱爾典在第七屆禁烟顧問會議第五次大會中極贊中國政府及地方官廳辦理烟禁之堅決持久十年之間卒底於成而言不可忘其功績英國議員史韜登素爲熟習華事者於一八四三年四月十四日在議院演說略謂『如無東印度公司之極力獎種鴉片則其產額不至多出四倍亦不至有偷運鴉片中國之事又何至有此鴉片戰爭』其言深切著明如無此段可慘歷史則今日我國青年何至想像記

憶之中猶含痛苦出產過多必生私販私販盛行卽演成衝突激成戰爭往日如此今日則世界五十餘國在國際聯盟盟約之下盡其義務受其保護當不至如前此之再假通商自由名義對弱小民族強辭奪理輸入毒物滅其種族故售毒戰爭不慮再見惟是海牙公約已簽字有十六載之久禁烟顧問會亦已設立八年何以對於限制毒品之製造及切實保護受毒民族之道尙毫無結果

茲本上述理由謹以中華民國政府及全國民意提出最懇切之希望條件如下

(一) 有關係之國家在其遠東殖民地內不可以烟稅支持財政卽日禁止吸鴉片

(二) 領事裁判權取消之期當已不遠惟在未完全放棄之前根據上述不平等條約所得該權之國家對於該國人民在華私自運售鴉片毒品有害該國名譽者不復予以保護所有此種案件聽任中國當地法庭管轄之

(三) 在租借地及租界應卽交還中國而尙未交還之前各該地界內有關係各國應於緝私上容受中國警察之協力

(四) 如本會未能卽刻採行限量分造或類似制度而各國又未自行規定下列辦法時應請各國卽日訂立法律或章程使嗎啡安洛因苛加因及由此配成之化合毒質得限制至醫藥及用學科之最低限度并組織有力警察查緝私運換言之卽希望各國照所簽海牙公約第九條規定辦理

(五) 去年英國提出調查遠東鴉片一案請照中國代表在國聯第九屆所提之案調查範圍應擴充至世界出產鴉片及製造毒品各區域

本日趁此機會希望本會慶祝上海國際禁煙會議二十年紀念（按即十八年二月一日）當年與會人士不少凋謝我中國國民自抱無限感傷茲幸本會中尚及見碩果猶存之 Brenier 及 Wetlum 兩君與鴉片作戰奮鬥二十年特代中國政府面致慰賀又美國彭主教 Charles H. Brent 為上海會議發起人亦為該會議主席遠在他方敬託美國代表 Caldwell 君以中國政府及本委員名義代達賀忱告以中國感謝之意彭主教多年毅力與鴉片作戰有功世界人類中國尤不能忘至於本會應否同時共同表示紀念一聽公決本委員今日縷述多端不覺辭長最後一言凡屬本會議中禁烟拒毒救世救人之舉動統一告成之中國必誠心誠意以全力相助

駐比全權公使兼國際聯盟禁烟顧問委員會委員王景岐致

會長函

會長先生台鑒本會拒絕討論本委員之宣言並不願將中國國民政府之希望條件轉送行政院因此本委員不得不再行聲明以下意見即請飭將全文載入會議記事錄並向報界公佈

本委員向無在本會提出純粹政治問題之意前次宣言苟先即說明就中國而論拒毒問題乃一社會而兼政治之間題茲惟有重言以明之蓋不平等條約所賦予各國之權利深注入我國家生命之中以致一呼一吸無不受其窒礙故一言中國無論何種問題即不能不涉及此項奇怪情形

此項奇怪情形爲害我國甚烈本委員涉及此點時實無意加罪於今日之外人或今日在位之外國政府及其任何外國文武官廳惟不能不用客觀態度向本會陳訴我國國民心理上之感觸以表明此種奇怪制度實對於中國目前如此時局應不能不負其咎致使中國門戶大開受人毒害而不許其抵抗罪惡此斯事實俱在世所共見者也中國智識階級因見一般對我宣言之看法恐或不免懷疑以爲會中欲用挑字剔句聲東擊西之方法使本委員宣言中正文內容完全在本會討論範圍之內因而全部抹殺

蓋本委員宣言中所有結論無一不在本會議事範圍之內有如（一）爲歐洲各國在遠東殖民地禁吸鴉片（二）爲懲治外人在中國私運毒品罪（三）爲取消在中國屯售毒品最盛之根據地（四）爲限制製造毒品（五）爲調查產烟及製造毒品之區域範圍

奈何本會中兩三會員對於中國因助國聯慈善功作所擬探行之有效方法竟提議不許共同研究且中國本爲印度鴉片之最大被害者今日尤爲歐洲日本製銷毒品之最大被害者其禍尤烈於鴉片所有慘狀在本會審核統計時已見其真相矣

日前會中表決本委員宣言有人曾謂爲全體通過者但就本委員所見似非全體不過多數耳因會員中有放棄表決權者

我中華民族勤儉耐勞有史以來所發明之品以貢獻於世界者無一非爲人類謀幸福造太平不意會中對於如此民族竟敢以『激烈』『挑釁』『糊塗』等詞相加其實於我民族有何傷損不過使其悲感驚

博以爲即在天下一家之國際聯盟會中有憑有據的對毒品奮鬥時亦竟至孤立少援者如此所以本委員特對貴會長莊嚴抗議會中之決案

一九二九年一月二十九日 日內瓦

致日內瓦日報函

逕啓者項閱貴報本月三十日社論誦讀之餘甚佩作者之關心中國其同情之論調深使鄙人心感鄙人對鴉片問題之意見已在顧問委員會陳述一切茲謹將鄙人近致該委員會主席富迪舒君書之一段奉閱想貴報必樂予發表也

『本委員向無在本會倡出純粹政治問題之意思前次宣言首先即說明就中國而論拒毒問題乃一社會而兼政治之問題茲惟有重言以明之蓋不平等條約所賦予各國之權利深注入我國家生命之中以致一呼一吸無不受其窒礙故一言中國無論何種問題即不能不涉及此項奇怪情形此項奇怪情形爲害我國甚烈本委員涉及此點時實無意加罪於今日之外人或今日在位之外國政府及其任何外國文武官廳惟不能不用客觀態度向本會陳訴我國國民心理上之感觸以表明此種奇怪制度實對於中國目前如此時局應不能不負其咎致使中國門戶大開受人毒害而不許其抵抗罪惡事實俱在世所共見者也中國智識階級因見一般對我宣言之看法恐或不免懷疑以爲會中欲用挑字剔句聲東擊西之方法使本委員宣言中正文內容完全在本會討論範圍之內因而全部抹殺

蓋本委員宣言中所有結論無一不在本會議事範圍之內有如（一）爲歐洲各國在遠東殖民地禁吸鴉片（二）爲懲治外人在中國私運毒品罪（三）爲取消在中國屯售毒品最盛之根據地（四）爲限制製造毒品（五）爲調查產烟及製造毒品之區域範圍奈何本會中兩三會員對於中國因助國聯慈善工作所擬探行之有效方法竟提議不許共同研究且中國本爲印度鴉片之最大被害者今日尤爲歐洲日本製銷毒品之最大被害者其禍尤烈於鴉片所有慘狀在本會審核統計時已見其真相矣』

足下須知鄙人爲中華民國國民政府之代表而同時亦爲日內瓦及國際聯盟之好友鄙人之論乃代表二者而發並非代表能維持或增進中國與國際聯盟間良好關係之任何政治團體

中國之新外交絕非任何黨派之器具其唯一之目的在努力保護中國人在外之利益並竭力於最短之時間內實現中國國民願望禁絕國內鴉片之種植及國外麻醉毒品之輸入即其一端

中國自簽訂聖日耳曼條約後即成爲國際聯盟會員之一其對于聯盟有最大之希望並期其與中國通力合作是以爲免一切陰謀詭詐鄙人曾屢次說明在聯盟中壓抑中國言論之不宜

溯自國際聯盟成立以來九年於茲未聞中國代表曾提出純粹政治問題若東歐各問題則係純粹政治問題而且屢經提出者也

鄙人惟一抱憾乃中國因受內亂影響竟未能按期交付聯盟會員費此鄙人在第四委員會中所深以爲歉也